

RUODA

Laikraštis žemaitišks Nr 2. Leidėnīs nāmuokams

Pu svieta pasklėdė aple 10 000 žemaičiu pasū

Pėrmājam „Ruodas“ nomerie gvėldenuom, kas tuokė žemaitė ir – tauta a tik etnėnė gro-pė. Šinsik – aple tō, kāp žemaitė pabriež sava ēšskėrtėnoma ēr identėteta. Jok mes torām nā vėn kažkėk apibriežta sava terėtuorėjė, kalba, papruočius, bet ē sava vėsuo Žemaitėjuo plevėsūnontė vieliava, herba, net ē Žemaičiu pasus torām, katrās poikūnamuos jau daugiau nē dvėdėšimt pėnkis metus. Bejė, par tō čiesa anū ēšdalinta aple 10 000, ē pasklėdė anė nā vėn pu vėsa Lietova, bet ē pu skėrtingas pasaulė šalis.

Priš 27 metus, 1988-āsės, isteigta žemaitėškoma keravuo-jontė organėzacėjė – Žemaičiu kultūras draugėjė, katruos narė mētrė (lt. staigiai) somėslėjė, ka šeta sosivėnėjėma narius rėktom aprūpintė ēšskėrtėnio duokomento – Žemaitė paso. Kāp pasakuo Žemaičiu kol-tūras draugėjės pėrmėninks Kasparavičios Stasīs, Žemaitė pasa idiejės autuorė – šiaulėškė žemaitė, katrė tō duokomenta sokūrė ē pėrmūsius egzėm-pliuorius pagamėna. Pasa vėr-šeli aptaisė Žemaitėjės herbo ēr užrašo „Žemaitė pasos“.

Tīms, kas šėtō dokumen-ta dėdlė soreikšmėn a net puolėtėzūn, S. Kasparavičios atsaka: „Žemaitė pasos ī nā kas kėts, vuo Žemaičiu kultūras draugėjės narė pažimiejėms. Vuo ēš kėtuos posės – tīms, kam diel mūsa pasa kėlst klausėmu a nāaiškomu, jau nā siki eso sakės: jė arklīs a šū tor pasa, ta kuodie mes, žemaitė, nāgalām torietė sava duokomenta.“

Palė S. Kasparavičė, Žemai-tė pasė ī nuruodita žmuogaus pavardie, vards, net ēr asabas (lt. asmens) kuods, ē puorte-grapėjė ir, ta žmuogos anū gal pasinauduotė kap anuo asabas tapatībė iruodončio duoko-mento, bet fuormalė tas – tik pažimiejėms, ruodontis anuo savėninka naristė Žemaičiu kultūras draugėjuo.

Šiū meto Žemaičiu kultū-ras draugėjė tor net 27 sava skīrius. Anė užregėstrūtė nā vėn Žemaitėjuo, bet ē Vėlniū, Kaunė, kėtūs Lietuvuos mies-tūs. Draugėjės skīrios gīvūn ēr Australėjuo, vuo pastarāsės metās jau pribrenda puorei-kis isteigtė skīrio ēr Airė-juo – tėnikštė žemaitė dėdlė jau nuor anus soborontė ē



vėnėjontė organėzacėjė torie-tė. Vuo tēn, kamė draugėjės skīrė ī, ē Žemaičiu pasū rasāt, nes būtėnt organėzacėjės skīrė anus žemaitėms platėn.

Draugėjės pėrmėninka mės-lėjėmo, Žemaitė pasos – gra-žos, ēšskėrtėnis duokoments, katrū nā vėns žemaitis džiau-gas ē pagristā dėdžiūnas. „As-menėškā monė Žemaitė pasos jau īprasts duokoments, bet tē, katrė pajėm anus i ronkas pėrmāji karta, katrė tomp anū torietuojės, jautas īpatingā pakėlė, ruoda anō draugams, pažīstamīms“, – pasakuo S. Kasparavičios. Bejė, pamatė, ka prietelis patapa duokomentūto žemaitio, kėti tāp pat līgė tuo-kė pasa užsėmana – mės-lėj, jė draugs tor, aš ērgė nā bluoges-nis žemaitis eso, tāp pat vėrts tuoki īpatinga duokomenta to-rietė. „Tāp, Žemaitė pasos sava darba dara – ons tēkrā kel mūsa tautuos savėmuonė, pasidė-džiavėma sava kėlmė ē šaknė-

mis. Bet draugėjė pasa kuož-nam panuoriejosiam nādūd – rėk pataptė organėzacėjės na-rio, vuo karto – ēr isipareiguo-tė“, – pabriež puons Stasīs. Tas isipareiguojuems tuoks – pasė ī prīrašos, ka anuo torietuos tor dietė vėsas ēšgalės Žemai-tėjės krašta ēšsauguojėmū ē soklestiejėmū.

S. Kasparavičė nūmuonė, tam, kas gīven Telšiūs, Plun-gie, Kretinguo ē kėtuos Že-maitėjuos vėtuovies, žemai-tėškoms – savaimė aiškos, bā juokiū duokomentu sopron-tams dalīks. Ale tīms, katrė gīven kėtūs Lietuvuos kraštūs ar emėgravė ir i užrobežė ša-lis, bet žemaitėškas kėlmies ir, tas Žemaitė pasos nuognė svarbos ē reikšmings – ē kāp identėteta iruodīms, ē kāp sa-vuotėška duonis (lt. duoklė) sava šaknīms, pruotieviams ēr anū gimtājė žemė, kalbā, kol-tūrā, tradėcėjuoms.

Nukelts i 2 psl.

Pėlienu pamėnavuojėms 2015


Pėlienu dėdvīriu trage-dėjė, pamėnieta krīžiuoku kruonėkėninka Marburgietė Vīgonda ivīkosė priš 679 me-tus ē šindėn mums prīmen šėtō dramatėška ivīki, kumet 1336 m. vasarė 25 d., krīžeivė so gausė kariūmenė – 200 rė-teriu ē 6000 paprastū kariū pu keliū dėnū kuovuos sonaikėna konėgaikštė Margėrė gėnama Pėlienu pėlė. Nāprieteliams isiveržos i pėlė ē tēkontės dė-delė gruobė teka nusivėltė, pėlės gīniejė vėtuo pasidavė-ma i vergėjė, savo nuoro pa-sirinka smertė. Šėts anū puo-elgis tapa lietoviu ē žemaičiu kuovū so krīžeivės simbuolio.

Varniū regėjuonėnė parka

direkcėjė, Biliuoniu seniūnėjė ē Žemaičiu kultūras draugėjė jau tradėcėškā kuožnū metu vasarė pabonguo kvėt Lieto-vuos ē Žemaitėjės krašta is-tuorėjės mīlietuojuos sosirink-tė ont Biliuoniu pėliakalnė ē karto pamėnavuotė Pėlienu dėdvīrius.

Nuors šinkart uors momis nālepėna ē pūtė gan žvarbos vies, ont pėliakalnė sosirinka gausos būris dalīviu. Tuolo-muo pasiruodė aštūni raitelė, tvėrtā isitaisė balnūs ont le-gendėniu žemaitoku veislės žėrgū, katrus so maršo pa-sveikėna ont kalna užgruojė mozėkontā.

Nukelts i 2 psl.



Abongas, -u – pabėngtovės
Abraks, -a – dvėšalė dūnas
rėkė
Barva, -as – spalva
Cervuotė – aditė
Čiditės – šaipītės
Drukts, -a – stuors

Žuodīns

Gonkas, -u – veranda
Jiekšis, -ė – kėrvīs mėsā ka-puotė
Kavuotė – slieptė
Kūlis, -ė – akmu

Pu svieta pasklėdė aple 10 000 žemaičiu pasū

Atkelts ės 1 psl.

Palė Žemaičiu koltūras draugėjės vada, Žemaičiu pasū ir Australėjuo, Jungtėnės Amerėkas Valstėjuos ės kėtuos šalīs, anė iteiktė ės tīms, katrė nāgīven Žemaitėjuoj, nāsiruokūn žemaitėškā, bet jaut ipatinga rīši so mūsa krašto ės dėdlė anō brongėn.

Tačiau ī ės tuokiū, katrė Žemaitė pasa krėtėkūn, nu, vuo dėdliausis trūkoms ī, ka duokomentė nier grafas, katruo būtom galėma nuruodītė, ka pasa torietuos ī žemaičiu tautībės atstuovs. Krėtėku nūmuonė, peikiama ės ta praktėka, ka Žemaičiu pasā dalėnami par daug lėngva ronka, ruods, kuožnam panuoriejosiam (Žemaitė pasa ėsđavėma īstatūs nuruodīta, ka anō draugėjė so teik vėsīms, kas nuor prisidietė pri žemaičiu krašta tradėcėju keravuojemū). Anū isitėkėnėmo, Žemaitė pasa gal gautė tik truopnos, šėta duokomenta tēkrā nusipelnosė ės verta asaba.

vuo sīkio – ės isipareiguotė Žemaičiu koltūras draugėjė, kō torietiuo dērbtė, kor kreiptės, a mon būtėnā važiūtė i Telšius, kor isikūros draugėjės būstėnė?

S. Kasparavičios saka, ka nuoront taptė duokomentūto žemaitio nikor tuolė vīktė nārėk. I koltūras draugėjė narė prijemami ės Žemaičiu pasās aprūpėnami vėsūs 27 organėzacėjės padalėniūs. Palė draugėjės pėrmėninka, organėzacėjės narės tomp ės i anuos veikla paprastā isilėj tē, katrus šauk „dūšė“, katrims nuorās būtė tarp savū ės nuveiktė kažkō naudinga, prasminga. Aiškės, ī žmuoniū, katrė tik istuo i draugėjė, pasijēm Žemaitė pasa, bet aktivės anuos narės tāj ės nātomp. Vuo kėti, nuors ės vėsūmėnėnės pagrindās, nuors ės bā juokė atligė, metu metus triūs Žemaitėjės ės anuos žmuoniū labū.

„Veikluos mums tēkrā nātūkst. Skėrtingūs skīriūs ivai-

Pėlienu pamėnavuojėms 2015

Atkelts ės 1 psl.



Rengėnė daliviams aple Pėlienus papasakuoje Varniū regijuonėnė parka kultūruologs Šedvils Lins. Sava žuodi tarė Žemaičiu koltūras draugėjės pėrmėninks Kasparavičios Stanėsluovs ės Biliuoniū seniūnė Daukontienė Loreta, tāj pat i rengėni atvīkės Šėlalės rajuona mers Gudausks Juons.

Pasigėrst telšėškiu žemaičiu atvežtuos patronkas šūvis skėrts Pėlienu dėdvīriams. Nuors šėts pabūklos sava ėsšvaizda ės atruodė dėdlė mėnks, bet vėsūs prīvertė krūptelietė nu anuo skleidama garsa.

Švėntie ės pagīvenė ės jaunėms toriejė kō veiktė. Vėni mėgėna laimė mietīdami pasagas, kėti

kuovėnės ėtės pagelba mėgėna nukėrstė kuopūsta galva. Kam bova par šalta ont pėliakalnė vėršūnės, kalna papiedie laukė dā vėna atrakcėjė, katruos dieka užrėštuom akēm isikėbės i šniūra galiejė bondītė praėtė numatita maršrota.

Šės metās žemaitoku veislies žėrgū mīlietuos Digaitis Vaiduots, dalīvavės garsiajam raiteliu žīgie lėg Jūduosės jūras ės pats vėns 2012 metās apkeliavės Baltėjės jūra, kvėtė vėsūs pakaštavutė kō tik ont kalna pamelžtuos komelės pėna, katruo skuoni mustās vėsi pajota pėrma karta.

Pri užkorta lauža Varniū regijuonėnė parka folkluora

onsomblė „Druja“ narė kar-to so daugelio dalīviu traukė lietoviu ės žemaičiu liaudės dainas, ka nābūtom šalta mozėkontā grėždami liaudėškas meluodėjės kvėtė vėsūs smagė pasišuoktė. Biliuoniū seniūnėjė vaišėna karšta arbata. Kāj ės kuožnās metās sošuos kos senuovėni šuoki „Meškotė“, užrašīta Šėlalės rajuonė, raitelė ės vėsi kėti dalīvė pajodiejė nomė.

Ketvėrtāsīs Pėlienu mėnavuojėms bėngies, lėg sošitėkėma kėtās metās tū patio čieso tuo patiuo vėtuos.

Varniū regijuonėnė parka
vīr. specėlėsts **Šedvils Lins**

Žemaitėškas dainuos festivalis



Žemaitėšku dainū atlėkieju registracėjė
(lig 2015-08-01) ės informacėjė:
Gėndvėls Vidmants 8 682 15715
vidmantasgendvilas@yahoo.com

ESAM Է BŪSEM

2015 m. rogpjūtė 21-22 d.
M. Oginskė dvara žėrgīns
Plungė



Tėkslā:

skatintė kortė žemaitėškā;
keravutė gīvas žemaičiu ruodas tradicėjės;
ogdītė tautėnė savėmuonė;
sėiktė aukštesnė populiariuosės mozėkas ės tekstā ligė;
atkrėptė vėsūmėnės diemės i žemaičiu ruodas ėsšlėkėma problemas.

Žemaitėškas dainuos atlėkėma nuostatā:

daina tor būtė šiulaikėnė, populiariuosės mozėkas;
dainuos teksts – vėina ės žemaičiu tarmiū;
dainuos mozėka ės žuodė tor skombietė gīvā, ba fonogramas;
grajītė ės dainioutė gal ės solistā, ės ansamblė;
dainuos mozėka – na liaudės, vo autuoriu.

Preliminari festivalė programa:

Rogpjūtė 21 d. – Žemaitiu tradicėnė folkluora vakars.

Rogpjūtė 22 d. – Žemaitėškas dainuos festivalis.

Partnerė: Žemaičių dailės muziejus, Žemaitijos nacionalinis parkas
VšĮ Susitaikinimo sodyba

Rėngies - Žemaitiu koltūras draugėjės Plungės skīrios „Gondinga“



S. Kasparavičios: „Asmenėškā monė Žemaitė pasos jau īprasts duokoments, bet tē, katrė pajēm anus i ronkas pėrmāji karta, jautas ipatingā pakėlė, ruoda anō draugams, pažīstamīms“.

Kuožnos, sava švarka kėšėnie a rašuumuojė stala stalčū Žemaitė pasa torontis prietelis anō vertėn dėdlė skėrtingā. Vėnam tas ir priklausuomībė tam tēkrā bendrėjė liodėnontis pažīmiejėms, kėtam – ipatinga simbuolėnė prasmė ikūnėjontis duokoments, trėtiam – savuotėška žemaitėška idėntėteta a pagarbuos boučiu tradėcėjuoms ėsšraiška. Kuožnam anuo svarba vis kėtuokė īr.

Jė dā nātoro Žemaitė pasa, bet nuoriečiuo anō isigītė,

riausi rengėnė organėzūnami, galām sakītė, kuožna mienesi. Anū tēkrā daug ės nuorontiu dalīvautė nātūkst. Jė kam iduomė, vėsi rengėnė, švėntės, sositėkėmā pavėšintė Žemaičiu koltūras draugėjės internetėniam alkierie“, – pasakuo S. Kasparavičios. Bejė, i draugėjės veikla isilėjė naujuokā tonkė užkret ės kėtus – sava draugus, šeimuos narius, tāj draugėjės nariū skaitlios dėdie. Vuo kū mūsa, truopniū žemaičiu, dau-giau, tū vėsam kraštū geriau.



Anekduotā



Vīrs, priš ēšvīkdams i ēlga komandērūtē, instruktūn žmuona:

– Būk gerotē, jē nuoriesi seksa, nupėrkau tavē seksuopė ruobuota. Tik ēštark: „Dariau, pas monės”, ēr ons vēskō atlēks...

Žmuona:

– Kāp to galiejē tāp aple monēm pamēslītē, aš nāgaliečiuo būtē tavē nāēštēkēma net so ruobuoto...

Vīrs:

– Nānuori, kāp sav nuori...

Vīrs ēšvika. Pu dvijū nedieliu muotrēška mēslēj: „Jog sarmata, ka pėningā ēšleistē, vuo praėnont pru šali vēs už akiū užkliūn „Darios”... Ai, būktās papruobīso...”

– Dariau, pas monės...

Ruobuots isijungē... ē prasi-diejē... 8 adinas nasibėngontē seksa... Muotrēška vēsēškā prarados spieka ē galēmībē prišintēs, galvuo kāp če tō ruobuota ēšjungtē. Ale nāžēna kō rēk pasakītē...

Šėp nā tāp prišliaužē pri longa (ruobuots ēš paskuos) ē pamata kėmsargi.

– Pietri, Pietri... Toro praši-ma už botelka... šūktelk: „Da-riau, pas monės”...

Pietris:

– Dariau, pas monės...

Pu posontra mienēsē grīžt vīrs ē nusidīvėjē kėms pėlns šiokšliu, laiptėniu doris solaužītas, ni vēna sosie-da nāsimate... Kāp pu kara... Staigē ēš už kompa ēšlend kėmsargē Pietrē galva ē šau-tova vomzdis... Vīrs ē klaus:

– Pietri, kas če bova? Kor dingē vēsi?

Pietris:

– Tiša, kor vēsi nāžėnau... Bet Darios kažkor če...

Priš kelės dēnas nusipėrkau mondarėnu dėdeliuo krauto-vie. Anė bova sopakūtē i tuo-

kė sietka. Parėjau nomē, ati-dariau ē veizo, ka ēš 15 štoku 5 sopeliejē bova! Nu, aš mon-darėnus i ronka, čeki i ronka ē patraukiau ginčītēs. Pradiejuo nu kasėnikės, paskiau vadībė-ninks prisijungē.

Nuormali, saka, mondarė-nā īr. Aš anīms: „Gerā, jē anė nuormali, ta sojiesk. Jē sojiesi ē nānumėrsi, juokiū preten-zėju, ēš karta ēšėso. Tas sotė-ka. Sojiedē ons vēsus pėnkis sopeliejosius mondarėnus ē, žėnuomās, veik anė, vēsos pa-žaliava jau, bet vēs tēk jied!

– Truopnos vīrs, sakau, – vuo dabā pakvēsk vaduova.

Tas priēs. Aš anam:

– Tāp ē tāp, – pasakuojo, – dūkāt mon naujus monda-rėnus, nes tamstas kuolega mona kō tik sojiedē.

Zaksos, 2106-ijē metā:

– Sveiki, nuoriečiuo užrė-gėstrūtē sūnaus gėmėma...

– Kuoks būs sūnaus vards?

– Juons.

– Šėts vards užjimts. Siū-luom liūsus vardus: Juons2106f, Juonss2106, Jjuooons, Juons471, Juons2233, Juonsxyz.

– Patrauk nu manės sava šoni... Ont monės jau blosas šliaužuol!

– Reksā, pasitrauk, diedē blosu tor.

Ėštraukē sienis trībėca (tin-klā) ēš jūras ē rada anuo vēna vėnintelē žovėkē, katra anam ē saka:

– Palėsk monēm. Aš tris tava nuorus ēšpėldiso...

Ė soprata sienis, ka japuonā aple Fukušėma daug kō nutī-liejē.

Grīžt dvē studentēs nomē

vasaras atuostuogu. Vėna sto-dentē saka mamā:

– Mama! Aš jau toro ber-nioka.

– Saulelė, vuo kor ons muo-kuos?

– Mama, anam tik 2 miene-sio dā.

– Mīluoji, aš toro biedū darbē. Žmuona:

– Nā „aš”, vuo „vedo” (lt. mudu) nu dabā tava biedas īr ē mona biedas.

Vyras:

– Na gerā. Vedom (lt. mūsų) sekretuorē laukas nu vedom (lt. mūsų).

Atėnont Kalieduoms Pe-trioks atskob pas mama.

– Gali ēšbrauktē traukėni ēš nuoru sāraša! Kō tik atsi-tėktėnā radau tuoki pat tava mėgtamajam!

Atėn Kaliedu Sienis pas psi-chiatra ē sakīs:

– Daktarē, ratavuokāt, aš pats savēm nāvierėjo.

– Žmuogau, apskrėtā kas tamsta tuoks ē kō veikat mona botē?

– Oij, kāp nā čieso ē nā vėtuo tuokē filosuofėnē klau-sėmā..

Imuonės vadovs klaus isi-darbin-tė nuoronti vīra:

– A tamsta vedēs?

– Nė, ale vēs tēk darau vēs-kō, kō mon saka.

Pėrma korsa students sosi-tink muokīklas meilē ē saka:

– Kuokē graži tava blioskėkė!

– Vuo to žėnuok pa ana nie-ka nie...

– Nieka, nieka... Dā ēšaugš!

Iduomūtės

Rašta atsiradėms

Pradedont užrašo ont pėna pakioka ē bėngont daugia-tuomē svieta istuorėjē, rašts ī paprasts ē patuogos būs ruokūtēs so žmuonėmis, so katrās nāgalāt pasikalbietē. Bā tuo, tas ī tuobols rakonds pasižimietē sava mės-lės.

Rašts, katrū šindėn liūsā galām užrašītē žmuogaus kalba, atsirada, tāp veizont, nāsėnē – maždaug priš šešis tūkstončius metu. Bet anuo užūmazga pa-siruodē žimē onkstiau – priš keliasdėšimt tūkstončių metu, tās žilās senuavės omžės, ku-met pruotingāsīs žmuogos, muokslėninku luotinėškā šau-kams homo sapiens, sokūrės garsū kalba, panuora sava mės-lės sotartjinės žėnklās pardūtē kėtam. Žėnuomās, ēš pradiū sotartėnē žėnklā bova natūrali.

Pėšėniū rašts – tas jau tē-kruojē rašta pradē. Tāp saka vēsi raštuotirėninkā.

Senuovės žmuoniū pėšėnės ē braižėnės rimtā pradieta duomūtės tiktās praėjusē omžē vėdorie. Daug ginču sokie-lė 1864 metās Proncūzėjuo, La Madlen orvė rasts mamota paišėnis, ēšraižīts kaulėnie pluokštėlie. Pažongi muoks-lėninkā tvėrtėna, ka mamota atvaizda sokūrē senuojē kūlė gadinēs žmuonis, mamota ka gīvena mamotā, Žemie dā nābova žmuogaus.

Raštuotirėninkā pėšėniū raš-ta vadėn piktograpėjē. Žuo-dis piktograpėjē sodarīts īr ēš luotīnu kalbuos žodē pictus, katras znuočėj pėšts, dažīts, ē graiku kalbuos žodē grafos (γράφος), katras znuočėj ra-šau, krapštau. Atskėras pikto-grapėnē rašta žėnklos-pėšėnis vadėnams piktograma. Grai-ku žuodis gramma (γραμμα) znuočėj ruodbalsē (lėtera, ra-die). Jē atskėrs piktograpėnē rašta žėnklos-pėšėnis ēškėrstis arba ēšriežts kūlie, ta ons va-dėnams petroglifo. Žuodis petroglifs sodarīts ēš graiku kalbuos žuodiū petra (πέτρα), katras znuočėj kūlis (akmū), ē žuodē gliufo (γλυφό), katras znuočėj riežo, raižau. Pikto-grama ē petroglifs – tē sosi-žėnuojėma žėnklā īr. Anė kō nuors praneš, prīmen, aiškėn, leid arba draud.

Rašts gėmē nā vėnuo vėtuo. Rašta sėstemas nāpriklau-suomā vēna nu kėtuos raduos Vėdorėniūsīs Rītūs, Kėnėjuo ē Cėntrėnie Amerėkuo. Niekis tėkslė nāgal pasakītē, kудie žmuonis pradiejē rašītē, bet pėrmūsīs rašītėnius žėnklos tėkriausē nauduoję vadā, ka pademonstrūtom sava galē, ē miesta pareigūnā, sorašė-niedami ē skėrstidami maista bē kėtus dalīkus. Pavīzdžiū, Cėntrėnie Amerėkuo rašts bova nauduojs tik ont ka-ralėškūju paminklu.



Rūbu ēšpardavėms
nūlaidas lėg 50%



Skouds, krautovė priš Senukus

Baldā

Vītauta g. 20, Skouds

Pateikos ēškėrpta kopuona gausāt

5%
nūlaida



ēšsirinktām baldū

Kuompioteriu
servėsos/pardavėms,
GPS sėstemu
naujėnėms/pardavėms,
spausdintovu kasetiū
pėldīms/pardavėms.



UAB “NOTUS IT”
Skouds, Vilniaus g.15
Tel.: +370 693 31003,
+370 440 51001

Pardūdams 1 kombarė
bots Latvėjuo, Lėpuojuo
(400 m. nuo kopu, 33 kv.m.).
6000 Eur (20 716 Lt).
Tel. 8 684 59213.

Pardūdams 1 kombarė
bots Latvėjuo, Vėntspėlie
(33 kv.m.).
11 000 Eur (37 980 Lt).
Tel. 8 684 59213.

Brongė–jūda ē
spalvuota metala lauža,
senus automuobėlius.
Gal psijimtē sava trans-puorto, ēšraša pažīmas.
Pūkālē (lt. Puodkaliai)
pri lentpjovės.
Tel. 8-611 54695.

RUODA

redakcėjē papėlduomam darbū
rėkalings (-a) žornalėsts (-ė).

Gal būtē studėnts (-ė).

Rėkalavėmā: muokiejėms taisėklingā rašīt,
iduomūtės Žemaitėjės gīvenėmo.

CV siost: info@ruoda.lt



Kėtū baldū gamība.
Individuali užsakīmā.

Atvažiūnam
ēšmierūnam
somontūnam.
8 646 29204 (Skouds).

Baldėniu
guobelenu
ē sprondžėnu
keitėms.
Kėtū baldū
restauravėms.
Tel. 8 684 29189,
Skouds.

Kavinē pas Nerijū



Vaižgonta g. 6, Skouds

kvēt atšvēstē gimtadēnius, jubēliejus, īmuoniū ar
organizacēju sokaktis Jūsa patuogomū ertē (erdvē) bonkietu
salē ē mažuojē salē, abejuos salies ī pruojektuorē so ekranās.
Tāp pat taisuomi gedolingi pētā, metēnēs. Švedēški stalā Jūsa
patalpuos. Ī galēmībē užsakītē maista ēšsivežēmū.
Teikamas vēšbotē nakvīnēs paslaugas. Ī bālais internets,
kabelēnē televēzējē ē vēsi kēti nūdēnas patuogomā.

Kreiptēs tel.: (8440) 79150, mob. tel. (8600) 23159;
el. p.: daukasn@gmail.com.



Užkondēnē „Pas Nerijū“

Skoudē,

(pri torgaus, bovēs poikiu
(kvietku) kiuosks) siūla:

**pēcas, kebabus, lavašus, boterbruodus,
kava, pēlstuoma kvasa.**

**Ī galēmībē maista užsisakītē telepuono.
Užsakīma nomeris 8-626 66611.**

Mums rūp Jūsa svēkata,

tudie kebabus taisuom ēš 100 % kiaulienas mēntēs,
mūsa pēcuo tēkros sūris, vuo nā sūrē gamēnīs.

Mes nuorām, ka žēnuotomiet, kō valguot.

*Skouda
kvietka*



**Kvietkas
Duovenas
Atvērokā**

*Džioginkāt sava artēmūsus
kuožna dēna!*

**Užsakīmā prijamami telepuono 8 655 69123
Vēlniaus 34a stuotēs Iki**

**Restaurūnam
vuonēs
klijentu nomūs.
Soteikām darbū
garantējē.
8 672 96881
Skouds**

**Kluojam lamēnata.
Dažuom sēnas.
Klējūnam plītelēs.
Atlēktam kētus
statības darbus.
868429204
Skouds**

**Pēgēs Malkas.
8 684 59213
Skouds**



**Itēmpamas
lobas.
Montavēms
868459213
Skouds**



**Meistros i nomus.
Smolki darbā
8 672 96881, Skouds**

**PERKAM
MĒŠKUS
RINKAS KAINUOM.
8 645 59080,
Skouds**



**Odontoluogs taisa ē plombūn
zūbus. Ded apvalkalus.
Atlēkt bornuos higiena.
Būtēns ēšonkstēnis
regēstravēms.
8-672 96881**

G. Šeckuvienēs ģmonē, Cvirkos g. 1, Skuodas

RUODA

Če gal būtē Tamstas reklama!

Reklamas kaina: pērmam poslapie: 1 eur/cm²,
paskotēniam poslapie 0.4 eur/cm²,
vēdēniūs poslapiūs 0.3 eur/cm²,
skelbema kaina 2 eur.

Tel. 8 684 59213

**Vala ē skardēn
čiokorus (kamēnus).
Montūn čiokoru
(kamēnū) dieklus.
8-672 96881,
Skouds**



**Žemaitē!
žemaitēfēkūkēs!!!**

**Žemaitējēs vieliava - 30 eur.
Akcējē! Žemaitējēs vieliava + Stēbs
(6 m aukštē) - 100 eur.**

Tel. 8 684 59213